



# ՄԱՇՏՈՑԻ ԱՐՁԱԳԱՆԳ

Հայք. Առաք. Սուրբ Յակոբ Մայր Եկեղեցույ Կիրակնօրեայ Դպրոցի Պարբերաթերթ

## Ժ. ՏԱՐԻ ԹԻԻ 1

Սեպտեմբեր 2002

### Մեր խօսքը

Սիրելի մեծ ու փոքր ընթերցողներ,

Ասկէ տասը տարիներ առաջ լոյս կը տեսնէր Մոնթրէալի Հայաստանեայց Առաքելական Սուրբ Յակոբ Մայր Եկեղեցույ Կիրակնօրեայ Դպրոցի պարբերաթերթ, «Մաշտոցի Արձագանգ»-ին առաջին թիւը:

Նշելու համար այս յատկանշական տասնամեան, Դպրոցս այս տարի կը նախաձեռնէ ամսական հերթականութեամբ հրատարակչական աշխատանքի մը: «Մաշտոցի Արձագանգ»ը այս տարի ձեզի պիտի հասնի իւրաքանչիւր ամիս, ու այս ձեւով նշէ իր իսկ տասներորդ տարեդարձը:

Մեր պարբերաթերթը բոլորին համար է, աշակերտ թէ ծնողք, մանուկ թէ չափահաս: «Մաշտոցի Արձագանգ»-ի էջերէն ներս տեղ պիտի տրուի մեր եկեղեցական տօներուն, աղօթքներուն, Աւետարանին, հայկական մշակոյթի, գրականութեան, երաժշտութեան վերաբերող այլազան նիւթերու, խաղերու, ինչպէս նաեւ իւրաքանչիւր դասարանի յարմարող կրօնական զարգացման հարցարաններու:

Ձեր կարծիքն ու հակազդեցութիւնը մեծ կարեւորութիւն ունին: Ձեր դիտողութիւնները կրնան մեր այս նախաձեռնութիւնը բարելաւել եւ ամսէ ամիս առաւել եւս հետաքրքրաշարժ եւ ճոխ դարձնել: Մի՛ վարանիք մեզի հասցնելու ձեր դիտողութիւնները որպէսզի «Մաշտոցի Արձագանգ»ը ըլլայ ամբողջութեամբ ձեր հետաքրքրութիւնները գոհացնող պարբերաթերթ մը:

Բարի ընթերցանութիւն ձեր բոլորին:

### Բովանդակութիւն

- Մեր խօսքը
- Եթէ կը կարծես որ զուր տեղը կ'աղօթես...
- Գեւօ, Գեի, Ճորճ, Ճորճիկ
- Սեպտեմբեր ամսուան տօներէն՝

### Խաչվերացը

- Խաչբառ
- Վարագայ Ս. խաչի տեսիլը
- Հայ ժողովուրդն ու խաչը
- Ո՞րն է ճիշդ պատասխանը
- Մանկապարտէզի անկիւն
- Նախակրթարանի անկիւն
- Երկրորդականի անկիւն
- Ընդհանուրի անկիւն
- Նկարներ 2001 - 2002 տարեշրջանէն

*Խնդրեցէ՛ք Աստուծմէ եւ պիտի տայ ձեզի, փնտռեցէ՛ք եւ պիտի գտնէք, բաղխեցէ՛ք եւ պիտի բացուի ձեզի: Որովհետեւ խնդրողը կը ստանայ, փնտրողը կը գտնէ եւ բաղխողին առջեւ դուռը պիտի բացուի:*

Ղուկաս 11.9-10

## Եթէ կը կարծես որ զուր տեղը կ'աղօթես...

Եթէ կը կարծես որ զուր տեղ կ'աղօթես, կարդա՛ Ղուկասի 11:1-13:

### Յիսուս աղօթել կը սորվեցնէ

Պատահեցաւ որ Յիսուս տեղ մը կ'աղօթէր: Երբ աղօթելը վերջացուց, իր աշակերտներէն մէկը ըսաւ.

- Տէ՛ր, մեզի աղօթել սորվեցուր, ինչպէս որ Յովհաննէս Մկրտիչ իր աշակերտներուն սորվեցուց:

Յիսուս ըսաւ.

- Երբ կ'աղօթէք, ըսէ՛ք.

«Հայր մեր, սրբաբանուի՛ անունդ

թող գայ արքայութիւնդ:

Ամենօրեայ մեր հացը

շնորհէ՛ մեզի օրէ օր:

Եւ ներէ՛ մեր մեղքերը,

Քանի մենք ալ կը ներենք

Անոնց՝ որոնք մեզի դէմ

Նոյնպէս յանցանք գործած են:

Եւ թոյլ մի՛ տար

Որ փորձութեան մէջ իյնանք:»

Եւ ապա շարունակեց.

- Ենթադրենք որ ձեզմէ մէկը բարեկամ մը ունի, որուն կը դիմէ գիշեր ատեն եւ կ'ըսէ. «Բարեկամ, ինձի հաց փոխ տուր, որովհետեւ ճամբորդ բարեկամ մը տունս իջեւանեցաւ եւ ես հրամցնելիք բան չունիմ»: Անիկա ներսէն կը պատասխանէ, ըսելով. «Մի՛ յոգնեցներ զիս, դռները արդէն իսկ գոցած են եւ փոքրիկներս քովս անկողիքին մէջ են. հետեւաբար չեմ կրնար ելլել տալ քեզի»: Վստահ եղէք, որ նոյնիսկ եթէ բարեկամութեան սիրոյն չելլէ եւ անոր ուզածը չտայ, սակայն թախանձանքներուն տեղի տալով՝ պիտի կատարէ անոր խնդրանքը: Ես ալ ձեզի կ'ըսեմ. - Խնդրեցէ՛ք Աստուծմէ եւ պիտի տայ ձեզի, փնտոցէ՛ք եւ պիտի գտնէք, բաղխեցէ՛ք եւ պիտի բացուի ձեզի: Որովհետեւ խնդրողը կը ստանայ, փնտրողը կը գտնէ եւ բաղխողին առջեւ դուռը պիտի բացուի: Ձեր մէջ կա՞յ հայր մը, որուն զաւակը ձուկ ուզէ եւ ինք ձուկին փոխարէն օձ տայ անոր, եւ կամ կարիճ տայ՝ երբ զաւակը հաւկիթ խնդրէ: Արդ, եթէ դուք որ չար էք՝ գիտէք ձեր զաւակներուն լաւ պարգեւներ տալ, ձեր երկնաւոր Հայրը որքա՞ն անելի լաւ պարգեւ մը՝ Սուրբ Հոգին պիտի տայ անոնց, որոնք իրեն կը դիմեն:

## Գեւօ, Գեւի, Ճորճ եւ Ճորճիկ

Ի՞նչ նմանութիւն կայ Գեւօ, Գեւի, Ճորճ եւ Ճորճիկ անուններուն միջեւ: Անոնք բոլորն ալ Գէորգ արական անունին փաղաքշական տարբերակներն են, որոնք ընդհանրացած են հայերու մօտ:

Գէորգ անունին տարբերակները ընդհանրացած են գրեթէ բոլոր ժողովուրդներուն մէջ: Այսպէս, լատիներէնով ան կը թ ա ր գ մ ա ն ու ի ի Georgius, ֆրանսերէնով Georges, գերմաներէնով Georg, Անգլերէնով George:

Սեպտեմբեր ամիսը Գէորգ անունի սոնախմբութեան ամիս է, առ ի յիշատակ Ս. Գէորգ զօրավարին, որ յանուն քրիստոնէական հաւատքին զոհուած է, Հոռմէացի Դիոկղետիանոս կայսրի հրամանով որ ուզած էր իր բոլոր հպատակներէն զոհ մատուցանել աստուածներուն: Հրաման՝ որուն Գէորգ զօրավար մերժած էր ենթարկուիլ ու այդ իսկ պատճառաւ սպաննուած է:

Ընտանիքներէ ներս կը կ ա զ մ ա կ ե ր պ ու ի ն ա ն ու ա ն ա կ ո չ ու թ ե ա ն ս օ ն ա խ մ բ ու թ ի ն գ ն եր կ ' ը ն դ ու ն ու ի ն շ ն որ հ աւ որ ու թ ի ն գ ն եր եւ բ ա ր ե մ ա ղ թ ու թ ի ն գ ն եր ա զ գ ա կ ա ն գ ն եր ու եւ բարեկամներու կողմէ, ի պատիւ Գէորգ անունը կրող հ ա ր ա զ ա տ ն եր ու ն :

## Սեպտեմբեր ամսուան տօներէն՝ Խաչվերաց

Խաչվերաց բառին իմաստն է հպարտութեամբ եւ յաղթականօրէն խաչը վեր առնել, ցուցադրել, փառաւորել:

Խաչվերացը տարածուն ժողովրդականութիւն ունեցող տաղաւար մըն է որ նաեւ կը կոչուի Վերացման Ս. խաչ: Ան համաքրիստոնէական բնոյթ ունի: Ընդհանրապէս միւս եկեղեցիները զայն կը տօնեն Սեպտեմբեր 14-ին, իսկ Հայաստանեայց եկեղեցին՝ նոյն թուականին ամենէն մօտ Կիրակի օրը, որ կրնայ զուգահիսիլ Սեպտեմբեր 11-էն 17-ի միջեւ:

Խաչվերաց տօնը կը յիշատակէ Հերակլ կայսրի յաղթական վերադարձը Կ. Պոլիս, իր հետ վերադարձնելով Երուսաղէմէն յափշտակուած Ս. խաչը որ պարսիկներու ձեռքը ինկած էր Խոսրով Բ. Շահին օրով: Կայսրը անձամբ կը գլխաւորէ այն թափօրը որ Կ. Պոլիսէն դէպի Երուսաղէմ կը փոխադրէ խաչը: Հայ ժողովուրդին համար ծայրայեղ սրբութիւն կը նկատուի այդ օրերուն խաչափայտին հայրենի հողերուն ու դաշտերուն վրայէն անցնելու պատեհութիւնը:

Խաչը փառաւորուած էր. վե՛ր բարձրացուած. եւ հայ ժողովուրդը ոգելորդ այս դէպքը դարձաւ տօն՝ Ս. խաչի. Կոչուեցաւ խաչվերաց, խաչը փառաբանելու, խաչին յաղթանակը նշելու մեծ տօն:

### Յատուկ պատրաստութեամբ խաչբառ

	Ա	Բ	Գ	Դ	Ե	Զ	Է	Ը	Թ
1			■	■			■	■	
2			■			■			
3		■							■
4	■								
5					■				
6		■							
7			■		■			■	

#### Հորիզոնական

- 1- Հայերէն գիրի մը հնչիւնը- կոշտ կերպով ո՛չ:
- 2- Համեմ մը- այբուբենի 16-րդ գիրը- ուսին առնելիք:
- 3- Տղու անուն:
- 4- Մեծ ուրախութիւն:
- 5- Համով խմելիք - քիչ քիչ:
- 6- Ղարաբաղի քաղաքներէն:
- 7- Հայերէն 14-րդ գիրը- կոշտ կերպով այո՛:

#### Ուղղահայեաց

- Ա- Զրոտ մածուն- քանակով կը քաշես:
- Բ- Ականջին դնելիք զարդ- երկու անգամով խնդալ կ'ըլլայ:
- Գ- Յիսուս հոն հարսնիքի ներկայ էր:
- Դ- Ծեծածով եւ միսով ճաշ:
- Ե- Տարուան եղանակներուն թիւը:
- Զ- Յարմար:
- Է- Ծիմող, շէնցնող:
- Ը- Ցոյց տուող ածական:
- Թ- Եւս- գծաքաշ:

## Հայ ժողովուրդն ու խաչը

Խաչը, հայկական արուեստի բոլոր մարզերում մէջ ներշնչումի աղբիւր եղած է, եւ արուեստագէտներ իրենց գծագրութիւնները, նկարչութիւնները, բանաստեղծութիւնները, քանդակները կերտած են անոր շուրջ: Ահա նմոյշ մը հայկական բանաստեղծութեան մը, ներշնչուած խաչի նիւթէն:

### Խաչքարերը

#### *Յովհաննէս Ծիրագ*

Չգիտեմ ինչո՛ւ, դեռ պատանեկիկ, Համբուրում էի խաչքարերն ա՛յնպէս, Երբ մայրիկիս հետ ես, ոտաբոպիկ, Վանքի սարն էի իջնում գառի պէս:

Հիմա էլ նրանց համբուրում եմ դեռ, Բայց հիմա գիտեմ թէ ինչո՛ւ համար. Ես համբուրում եմ ո՛վ նախահայրեր, Քարից լոյս կերտող ձեր ձեռքը ճարտար:

Որ վայրի ու բիրտ ժայռերի վըրայ, Ոգու տարերքն է հրաշագործել, Եւ համբուրելով սուրբ հետքը նըրա՝ Անմահութիւնն եմ հաբուրում ես ձեր...



ԽԱ.2. 11-12 ըդ դար, ԱՆԻ Պրոնգ. Չուլում 21 X14 սմ

«Գալով ինձի, քա՛ւ լիցի որ մեր Տիրոջ Յիսուս Քրիստոսի խաչէն զատ ուրիշ բանով պարծենամ: Այդ խաչին միջոցաւ աշխարհը մեռած է այլեւս ինձի համար, ինչպէս ես մեռած եմ աշխարհին համար: »

**Պողոս Առաքեալ, Գաղատացիս 6:14**

## Վարագայ Սուրբ խաչի տեսիլը



Ժ. դարու վերջերը վերակառուցուած Վարագայ վանքի ակերակները

Ամէն տարի, Սեպտեմբեր 28-ի ամէնէն մօտ Կիրակին, Հայաստանեայց եկեղեցին կը նշէ խաչին նուիրուած Վարագայ Ս. խաչի տօնը:

Այս տօնը կը վերագրուի Ս. խաչի երեւման Վարագայ լեռներու բարձունքներուն վրայ կառուցուած վանքին մէջ: Հոն, 653 թուականին շուրջ, երկու ճգնաւորներ, Յովէլ եւ Թողիկ տեսիլք մը կ'ունենան ուր հրաշալի լուսաւորութիւն մը զիրենք կ'առաջնորդէ դէպի Վանի Վարագայ լեռներուն գագաթը, դէպի Վարագայ Վանք: Հոն, Ս. Սեղանին վրայ, լուսաւորութիւնը կը կեդրոնանայ ու ի յայտ կու գայ խաչ մը:

Վարագայ Ս. խաչը շատ հաւանաբար Ս. Հռիփսիմէի կողմէ գործածուած խաչ մըն էր որովհետեւ որոշ շրջանի մը համար ան ապրած էր Վարագայ լեռներուն վրայ ու հոնկէ հեռացած քրիստոնեաներու դէմ հալածանքներէն փախուստ տալով: Իր մեկնումէն ճիշդ առաջ, Ս. Հռիփսիմէ հաւատքի խորհրդանիշ Ս. խաչափայտը կը յանձնէ աղօթակից հաւատաւոր ճգնաւորներու ապահովութեան համար ու կը թելադրէ որ պահեն սրբութիւնը այդ լեռներուն մէջ ուր կ'աղօթէին բոլորը միատեղ:

Գալով Վարագ բառին, ան կապուած է Վարագայ լեռան անունին հետ, որ Վասպուրականի բարձրավանդակին վրայ գտնուող Գմբեթաձեւ լեռ մըն է, Վանայ լիճէն դէպի արեւելք, 3250 մետր բարձրութեամբ: Բառը ինքնին կը նշէ հայկական հեթանոսական տոմարի մէջ ամսուան 29-րդ օրուան անունը:

## Ո՞րն է ճիշդ պատասխանը

Յաջորդող էջերուն վրայ կը գտնուին ըստ դասարանի եւ կարգի բաժնուած հարցարաններ: Իւրաքանչիւր կարգի համար պիտի գտնես 10 հարցումներ, իւրաքանչիւրը՝ 4 հաւանական պատասխաններով: Քեզի կը մնայ կռահել թէ այդ չորս պատասխաններէն ո՞ր մէկը ճիշդն է: Այս գիտնալու համար դիմէ գիտութեան պաշարիդ, ուսուցչիդ, ծնողքիդ կամ ռեւէ անձի որ կրնայ ունենալ հարցումիդ պատասխանը:

Երբ բոլոր հարցումներուն պատասխանները գտնես, զանոնք արձանագրէ թուղթի մը վրայ, ու թուղթը ներկայացուր կիրակնօրեայ ուսուցիչիդ որ սրբագրութիւն կատարէ: Բոլոր անոնք որոնք 10 հարցումներուն կը պատասխանեն անսխալ, կ'արձանագրուին անսխալ պատասխանողներու ցանկին տակ ու անոնցմէ ոմանք, ըստ վիճակաձգութեան կրնան ըլլալ բախտաւոր յաղթականներ ու ստանալ մասնակցութեան նուէրներ:

Ուրեմն օ՛ն. վեր առ մատիտդ ու պրպտումդ սկսի՛ր: Ի վերջոյ, ո՞վ չուզեր ըլլալ բազմագէտ: Պատասխաններդ ներկայացուր ուսուցիչիդ Կիրակի Սեպտեմբեր 22, 2002 ին կամ ալ ուղարկէ director@sourphagop.org հասցէին մինչեւ Սեպտեմբեր 21, 2002 որպէսզի անունդ արձանագրուի մասնակցողներու ցանկին տակ:

Յաջողութիւն եւ բարի ժամանց:

## Մանկապարտէզի անկիւն



1. Որո՞նք են այս ճամբորդները: \_\_\_\_\_
2. Զո՞վ տեսնելու կ'երթան: \_\_\_\_\_
3. Ի՞նչ նուէրներ կը տանին: \_\_\_\_\_

### Նախակրթարանի անկիւն

1- Յիսուս ո՞ր անցուց իր մանկութիւնը:

- ա- Երուսաղէմ
- բ- Նազարէթ
- գ- Գալիլիա
- դ- Բեթլեհէմ

2- Ամբողջացու՞ր գրուած բառերով:

(Հայրս, յայտնել, Որդին, Հօրմէն,)  
 ----- ամէն ինչ տուած է ինձի, եւ ոչ ոք  
 կը ճանչնայ -----՝ բացի -----, եւ ոչ  
 ոք կը ճանչնայ Հայրը՝ բացի Որդիէն, կամ  
 բացի անկէ՝ որուն ----- ուզէ Որդին:  
 Մատթէոս 11: ---

3- Ի՞նչ էր պատճառը որ Հերովդէս թագաւոր սպաննել տուաւ Յովհաննէս մկրտիչը:

- ա- Որովհետեւ Յովհաննէս սուրբ մարդ էր:
- բ- Թագաւորը կը վախնար իրմէ:
- գ- Ժողովուրդին կամքով:
- դ- Հերովդէսի տարեդարձին առթիւ Հերովդէայի աղջկան խնդրանքով:

4- Յիսուսի մկրտութեան Սուրբ հոգին յայտնուեցաւ:

- ա- Ծերմակ ամպի կերպարանքով:
- բ- Ծերմակ Աղաւնիի կերպարանքով:
- գ- Կրակէ լեզուներու ձեւով եւ ամէն մարդոց վրայ հանգչեցաւ:
- դ- Հովի եւ փոթորիկի նման:

5- Յիսուս իր առաջին հրաշքը կատարեց:

- ա- Երուսաղէմի մէջ:
- բ- Նազարէթ քաղաքին մէջ:
- գ- Կանայի մէջ
- դ- Գողգոթա լեռան վրայ:

6- Յակոբ շատ կը սիրէր իր Յովսէփ զաւակը, բայց մեծ եղբայրները կը նախանձէին անոր, այդ պատճառաւ ալ եղբայրներ որոշեցին ազատիլ Յովսէփէ, անոնք

- ա- Յովսէփը հորի մը մէջ նետեցին եւ Յակոբին ըսին թէ կորսնցուցած են զինք:
- բ- Սպաննեցին Յովսէփը եւ Յակոբի ըսին թէ գազանները կերան զինք:
- գ- Վաճառականներու ծախեցին Յովսէփը:
- դ- Լեռնէն վար նետելով սպաննեցին զինք:

7- Ո՞ր Սաղմոսէն առնուած են այս տողերը:

- «Քու սրբարանիդ մէջ այսպէս պիտի ներկայանամ քեզի, տեսնելու համար քու զօրութիւնդ եւ փառքդ»:
- ա- Սաղմոս 100
  - բ- Սաղմոս 31
  - գ- Սաղմոս 26
  - դ- Սաղմոս 62

8- Ի՞նչ են Յիսուսի մօր եւ երկրաւոր հօր անունները:

- ա- Մարիամ եւ Յարութ
- բ- Յովսէփ եւ Մարի
- գ- Յովսէփ եւ Մարիամ
- դ- Յակոբ եւ Մարթա

9- Ո՞ր քաղաքին մէջ ծնաւ Յիսուս:

- ա- Նազարէթ
- բ- Բեթլեհէմ
- գ- Երուսաղէմ
- դ- Եգիպտոս

10- Որո՞նք Յիսուսի փալլուն աստղը տեսան երկինքին մէջ:

- ա- Մանուկ մը
- բ- Հովիւները
- գ- Գիւղացիները
- դ- Մոգերը

## Երկրորդականի անկիւն

1- Ո՞ր երեք տիեզերական ժողովները կ'ընդունի Հայաստանեայց Եկեղեցին:

ա- Նիկիա, Կոստանդնուպոլիս եւ Եփեսոս

բ- Նիկիա, Կոստանդնուպոլիս եւ Քաղկեդոն

գ- Կոստանդնուպոլիս, Եփեսոս եւ Քաղկեդոն

դ- Նիկիա, Եփեսոս եւ Քաղկեդոն

2- Ո՞ր տարին տեղի ունեցաւ Քաղկեդոնի Տիեզերական չորրորդ ժողովը:

ա- 301 Յ.Տ.

բ- 451 Յ.Տ.

գ- 325 Յ.Տ.

դ- 389 Յ.Տ.

3- Ո՞ր տարին տեղի ունեցաւ Նիկիոյ Տիեզերական Առաջին ժողովը:

ա- 301 Յ.Տ.

բ- 451 Յ.Տ.

գ- 325 Յ.Տ.

դ- 389 Յ.Տ.

4- Հին կտակարանի առաջին 5 գիրքերը կը կոչուին Հնգամատեան եւ գրուած են որու՞ն կողմէ:

ա- Ադամ

բ- Աբրահամ

գ- Իսահակ

դ- Մովսէս

5- Նոր կտակարանի 27 գիրքերուն մեծամասնութիւնը գրուած են որու՞ն կողմէ:

ա- Պօղոս Առաքեալ

բ- Պետրոս Առաքեալ

գ- Յովհաննէս Առաքեալ

դ- Յակոբոս Առաքեալ

6- Առաջին անգամ Հայաստան այցելող Առաքեալն էր:

ա- Պօղոս Առաքեալ

բ- Պետրոս Առաքեալ

գ- Թադէոս Առաքեալ

դ- Բարթողոմէոս Առաքեալ

7 - Աստուածաշունչի Հայերէն գրաբար թարգմանութիւնը կը կոչուի:

ա- Թարգմանութիւններու Թագուհին

բ- Թարգմանութիւններու Թագաւորը

գ- Թարգմանութիւններու Իշխանը

դ- Թարգմանութիւններու Իշխանուհին

8 - Հայաստանեայց Եկեղեցւոյ Կիրակնօրեայ Դպրոցները Հիմնուած են Ո՞ր Թուականին:

ա- 1895

բ- 1924

գ- 1929

դ- 1954

9 - Մոնթրէալի Սուրբ Յակոբ Եկեղեցւոյ Կիրակնօրեայ Դպրոցը Հիմնուած է ո՞ր Թուականին:

ա- 1958

բ- 1974

գ- 1980

դ- 1991

10 - Մատթէոս Աւետարանիչ նախ քան Յիսուսի հետեւիլը ի՞նչ գործ ունէր:

ա- Բժիշկ

բ- Մաքսաւոր

գ- Զկնորս

դ- Գրագէտ

## Ընդհանուրի անկիւն

1- Ո՞ր հողաշերտը Հայաստանը կը կապէ Ղարաբաղին.-

ա- Լաջին

բ- Արցախ

գ- Ծուշի

դ- Ստեփանակերտ

2- Հետեւեալ անուններէն ո՞ր մէկը քաղաքի մըն ալ անունն է.-

ա- Թուխիկ

բ- Նանէ

գ- Մեղրի

դ- Բերուզ

3- Ատոմ Էկոյեանի Արարատ շարժապատկերը առաջին անգամ ո՞ր ցուցադրուեցաւ:

ա- Festival des films du monde

բ- Festival de Cannes

գ- Soiree des Oscars

դ- Independent film festival

4- Թումանեանի երգի վերածուած այս տողերը ամբողջացուր.-

«Վաղուց թէն իմ . . . օտարին է ու հեռուն»

ա- հաւատքը

բ- հագուածքը

գ- հայ ազգը

դ- հայեացքը

5- Ի՞նչ կը նշանակէ «ուղտը ինքն իր կուզը չի տեսներ».-

ա- Դժուար է ետեւ նայիլ

բ- Մարդ անսխալական չէ

գ- Ամէն մարդ թերութիւններ ունի

դ- Մարդ ինքն իր թերութիւնները չընդունի

6- Ո՞րն է Սեպտեմբեր 1991-ին անկախացած Հայաստանի Հանրապետութեան առաջին նախագահը.-

ա- Արա Պապեան

բ- Ռոպէր Քոչարեան

գ- Լեւոն Տէր Պետրոսեան

դ- Արամ Մանուկեան

7- 2002 թուական Ծուշիի

ազատագրման քանիերրորդ տարեդարձն է.-

ա- 10 տարի

բ- 5 տարի

գ- Առաջին տարեդարձ

դ- 85-ամեակ

8- Առաւօտ լուսոյ շարականի առաջին տողը ամբողջացուր.-

«Առաւօտ լուսոյ, արեգակն . . .»

ա- յարդար

բ- Առ տար

գ- արդար

դ- անտառ

9- Մաքուր ձեռագրով տող մը ընդօրինակելու աշխատանքը կը կոչուի.-

ա- ուղղագրութիւն

բ- գեղագրութիւն

գ- սրբագրութիւն

դ- տարագրութիւն

10- Խարտեաշ մագ ունեցողին մագը Ի՞նչ գոյն է.-

ա- ոսկեգոյն

բ- սեւ

գ- ճերմակ

դ- սրճագոյն



## Նկարներ մեր 2001-2002 տարեշրջանէն



## «ՄԱՇՏՈՑԻ ԱՐՁԱԳԱՆԳ»ը

կը գտնուի նաեւ համացանցի  
(internet) վրայ: Այցելեցէ՛ք

[www.sourphagop.org](http://www.sourphagop.org)

Ձախ կողմի կոճակներէն  
«Պարբերաթերթ»ը ձեզ կ'ուղղէ դէպի

«ՄԱՇՏՈՑԻ ԱՐՁԱԳԱՆԳ»ի  
ներկայ եւ նախորդ թիւերուն . . .